

الكتب القيمة المخزونة الكاملة لقومية هوي الصينية

回族典藏全書

吴海鹰 主編

甘肅文化出版社
寧夏人民出版社

060

主 編
副主編

吳海鷹
吳建偉
雷興魁
雷曉靜

回族典藏全書

060

甘肅文化出版社
寧夏人民出版社

第六十冊 目錄

備忘集(卷一——卷四) 清手抄本 明·海瑞

.....

文獻
作者
明·海瑞
清手抄本

備忘集

文獻名
作者
本
明·海瑞
清手抄本

欽定四庫全書

集部
備忘集卷一

文獻名備忘集
作者明·海瑞
版本清手抄本

詳校官監察御史臣陳化龍

侍讀臣孫球覆勘

總校官降調編修臣倉聖脉

校對官助教臣陳木

謄錄監生臣羅俊

文獻名備忘集
作者明·海瑞
版本清手抄本

欽定四庫全書

集部六

備忘集

別集類五

明

提要

臣等謹案備忘集十卷明海瑞撰瑞有元祐黨人碑考已者錄明史藝文志載海瑞文集七卷

國朝廣東鹽運使故城賈棠與邱濬集合刻者止六卷是編載瑞所行條式申叅之文校為

全備乃康熙中瑞六代孫廷芳重編原跋云
共一十二卷分為十冊今考此本冊數與跋
相合然每冊止一卷實止十卷較原跋尚闕
二卷未喻其故也瑞生平學問以剛為主故
自號剛峯其入都會試時即上平黎疏為戶
部主事時上治安疏慙直無隱觸世宗怒下
詔獄然世宗復閱其疏亦感動太息至擬之
於比干後巡撫應天銳意興革裁抑豪強惟

文獻名備忘集
作者明·海瑞
版本清手抄本

文獻名 備忘集
作者 明·海瑞
版本 清手抄本

以利民除害為事而矯枉過直或不免一偏
如集中畢戰問井地論力以井田為可行謂
天下治安必由於此蓋但觀明代隱匿兼井
之弊激為此說而不自知其不可通然其孤
忠介節實人所難能故平日雖不以文名而
所作勁氣直達侃侃而談有凜然不可犯之
槩當明季士風頹沲之際切墨引繩振煩醒
瞶亦救時之藥石滌穢解結非大黃芒硝不

能取效未可以其峻利疑也集中疏後為序
序後為申文為論論後復為序序後為書書
後又為序其他雜見錯出不勝指數蓋廷芳
編錄時隨其所得綴輯為卷故不以門類為
次今以其無關考核姑仍其舊錄之云乾隆
四十六年十月恭校上

總纂官臣紀昀臣陸錫熊臣孫士毅

總校官臣陸費墀

文獻名備忘集
作者明·海瑞
版本清手抄本

文獻名 備忘集
作者 明·海瑞
版本 清手抄本

欽定四庫全書

備忘集卷一

明 海瑞 撰

奏疏

久安疏

廣東舉人臣海瑞謹奏為區處兵後地方以絕後患圖
久安事臣竊見瓊州一府顓顓獨居海中其地綿亘二
千餘里黎岐中盤州縣濱海旋於外譬之人黎岐心腹

州縣四肢黎岐為寇是心腹之疾也心腹之疾不除將必浸淫四潰而為四肢之患州縣無久安之理古先聖王之治遠方寇亂征討去不窮追蓋施之要荒之外與吾中國有所限隔之地若瓊則內之黎岐與外州縣百姓鷄犬相聞魚鹽米貨相通其間雖多峻嶺叢林彼之出入往來自坦夷道路自國初以至今日除戍守軍民兵截殺并整飭兵備道督兵鵬勦不計外兩廣巡撫都御史上請弘治十四年征儋州昌化縣黎嘉靖二十

文獻名備忘集
作者明·海瑞
版本清手抄本

文獻名備志集
作者明·海瑞
版本清手抄本

年征陵水縣崖州黎嘉靖二十九年征感恩縣崖州黎
凡三大舉矣每舉調兩廣官兵十餘萬費銀數十萬兩
前後屯兵防守騷害居民或三年或四年後止然竟不
能使黎寇驚服迄今劫村殺人無歲月無有臣生長於
瓊飢聞黎患痛瓊民歲月罹害虛費陛下兵糧迄無一
臣為地方長久計以紓陛下南顧之憂者請為陛下言
之夫瓊地瓊山縣處其北崖州處其南萬州處其東昌
化縣處其西自瓊山縣轉西歷澄邁縣臨高縣儋州昌

化縣感恩縣至崖州計程一千一百里自崖州轉東歷陵水縣萬州樂會縣會同縣文昌縣復之瓊山縣計程九百四十里是瓊州府自南徂北自東徂西以圍三徑一計之大約七百里程也臣嘗博訪附黎居慣行黎村人及近日大征踏路官兵皆稱自崖州羅活崗抵瓊山縣大坡頭營三日可至是黎岐盤踞地不過方四百里而已區區方四百里地自國初以至今日殘害國家赤子若此之毒而無已調用國家官兵若此之衆費用國

文獻名備忘集
作者明·海瑞
版本清手抄本

文獻名 備忘集
作者 明·海瑞
版本 清手抄本

家銀糧若此之多兩廣有巡撫都御史總其權瓊州有
兵備副使專其事嘉靖十九年以來又有守備叅將之
設迄不能一施勦撫安輯吾民何故武臣憚難畏寇文
臣養望待遷圖目前苟安不為地方永久謀慮黎小寇
害則隱匿不申請大寇害調兵又苟且奏功姑以應事
塞責瓊郡誌書歷載識者開道立邑之議又載弘治十
四年大征議及此而未行為深憾彼非不明知之也而
莫或行焉間有志立功業者亦慮事掣肘難行邀功起